

29 388

LUNA-INKONGO.

# MISAMBU.

---

INKONGO, SANKULU.

---

W. WITTS, PRINTER, TOWN STREET, BRAMLEY, LEEDS.

1905.

# MIEXIDI YA BUXI YA MISAMBU MIOSO.

---

Ambeci Fumwecu unalwa piñana ... ..	66
Bakakwapangusa Yisu ... ..	35
Bakala bafobo batena yi Yisu ... ..	25
Bamatutôyela mu mbata ou ... ..	5
Bena Ncemi batanaya yikwa mu diulu ...	3
Bitwatebela nkulusu ... ..	64
Emana muna Ncemi ... ..	37
Fumu akaya ku mucu ... ..	60
Fumu a môyo, Kalistu ... ..	19
Fumwecu akaya ku nkwasu kulu ... ..	45
Fumu twelela nkanyi ... ..	73
Fumu tukwaxinga ... ..	34
Fumu Yisu Kalistu ... ..	17
Kalama Yisu kadi kunengela ... ..	39
Kalistu Yisu akatunanga ... ..	6
Katulekyedi kutumbisa Ncemi ... ..	47
Kimbila kiecu Yisu ... ..	46

Kisokyeba ndo bima ndo kikupu kunu ...	52
Kisoli kutatisa Musabudi ... ..	7
Kudi Kalistu Fumwecu ... ..	30
Kudi lufu lwa Kalistu ... ..	28
Ku diulu kudi ncibo ... ..	63
Kuma binu paxi ... ..	42
Ku mbata minga kudi bantu bangi ...	61
Ku mieciya ya kalikali ... ..	29
Kunci kwa bena Ncembu ... ..	11
Kunyuma kunabixibwa ... ..	43
Kwa Yisu Fumu mu diulu... ..	77
Lelo edeya Kalistu ... ..	33
Lelo kiango mu diulu ... ..	71
Losangu lunengela ... ..	57
Lwaka muna bubi, lwaka ... ..	15
Mbili sôsôlwo ene, Yisu ... ..	58
Meme ndo mwamuki ... ..	53
Mikwakwa ya Yisu ... ..	40
Mwana a mukwakwa a Ncembu ... ..	59
Mucima amene apupulowa ... ..	67
Mwoni, ombwa! Mupandixi ... ..	65
Mupandixi Kalistu akamaya yikwa ...	26
Musabudi ngutebeli ... ..	9
Nakakwombwa diyi dia Kalistu ... ..	70

Ñani akyéba kulandudila ... ..	13
Ñani lolo muntu you? ... ..	49
Ñani, Yeoba, unalelekyela? ... ..	44
Ncemi a kulu ananga ... ..	24
Ncemi akyeba kukupandisa ... ..	69
Ncemi lwangwasana ... ..	1
Ncemi Yeoba, Ncemi a mieiya ... ..	36
Ndo bantu ba môyo balala mu lufu ... ..	74
Ngwananga Fumu Yisu ... ..	2
Nkwabila Owe Yisu... ..	51
Nkyekyu tudi yi Kimbila ... ..	75
Nonu bena Yisu ... ..	62
Nuxekyeleli Mupangi ... ..	56
Pakalwa babaki yi bamamabo bangi ... ..	48
Panafika, panafika Fumwecu ... ..	20
Panakala owe wamalebela ... ..	50
Piñana, piñana, kukai ukyakyeba ... ..	21
Tetecu Ncemi, twamakwetabusa ... ..	32
Tete unengela, tunamuxingila ... ..	12
Twananga kwombwa diembi ... ..	27
Twaxekyelela Fumu Kalistu ... ..	38
Tukwembikisa yi ngulu ... ..	10
Tulolwa Ncemi yi kiango... ..	55
Tulolwa nkyekyu Ncemi ... ..	68

Tutumbisi Ncemi akapa Mwananci	...	...	...	31
Wakapanga loboko	...	...	...	4
Wamakwombwa lubila	...	...	...	16
Wapwombwa diyi dia Kalistu	...	...	...	18
Yeoba Ncemi amanguxingulula	...	...	...	41
Yisu akadi kwanci kulu	...	...	...	8
Yisu a mu diulu	...	...	...	72
Yisu Fumu akabatuka	...	...	...	14
Yisu Mupandixi	...	...	...	22
Yisu udi Mwana a Ncemi	...	...	...	54
Yisi udi Mupandixi	...	...	...	76
Yisu utani Mupandixi	...	...	...	23

# MISAMBU.

---

1

(Ash Grove. G.B. 343.)

Ncemi! Iwangwasana  
Micima ya bantu,  
Bapwombwa mwoximo  
A nyinga kulu.  
Nkyekyu tukwalomba  
Bwesapo losangu  
Munda mwa lukanyi  
Lwa muntu kunu.  
Ncimisa mangwoso  
Mwedima a bubi;  
Ximusa munyinya  
A kunengela.

2 Ndo muntu akyeba  
Kuxiya Satana,  
Kusangila yi Yisu,  
Kumuxingila;—  
Tetecu! umweyesi  
Kunanga Mwanebe;  
Umudingidisi  
Kalistu kulu.

## 2

(Special. German Melody.)

Ngwananga Fumu Yisu,  
 Mwana a Ncemi;  
 Akangulwangwasana  
 Ku maxi anci.  
 Akafwa kungukita  
 Ku Kabali;  
 Kwakanculayi kô kô  
 Kusama kwamene.

2 Ngwananga kutôyela  
 Bantu boso,  
 Ene, akangufwila;  
 Unengela.  
 Ku mucwe amene, Yisu  
 Akatata;  
 Kusama kwa Fumwami  
 Kwakadi kwamene.

3 Kucini, mwamulumi,  
 Ombwa kunu;  
 Kucini, mwamukaxi,  
 Bena polo;  
 Nakunwambila diembi  
 Dia Kabali,  
 Kwakanculayi kô kô  
 Kusama kwamene.

- 4 Môyo utani mwepe,  
 Nuyeya kupai?  
 Lufu lunanukwata,  
 Nwencenca kai?  
 Nwombwi! nakunwambila  
 Mwoximo you;  
 Ene, Kalistu akafwa  
 Ku micwe ya bantu.
- 

## 3

(**Tis the promise of God. S.S. 92.**)

- Bena Ncemi batanaya yikwa mu diulu,  
 Banaxeka tuxoko yi Mikyenci kulu.  
 Aleluya, twaxeka!  
 Tutanaya kwa Ncemi kumumona kulu.
- 2 Kalikali bakakwona bea banga boni,  
 Bakatatisa Ncemi mu mucima anci.
- 3 Kudi Ncemi mikyenci amatuma obo,  
 Amateka diyi dienci mu micima yabo.
- 4 Betabusa Kalistu, bamaxiya bubu;  
 Banyañana Satana, bamananga Ncemi.

**4** (Come, ye children, sweetly sing. G.B. 7.)

Wakapanga loboko,  
Ngondo, diba mitoto;  
Ncemi, tukwaxingila, Aleluya!

2 Wakamona mu diulu,  
Bubi bwecu budiko;  
Wakatuma Kalistu, Aleluya!

3 Mwana a Ncemi akapweka,  
Yisu Fumu akafwa,  
Akabwela mu lukita, Aleluya!

4 Yisu utani Mumanya,  
Akapwesa Satana,  
Akadika bumanya, Aleluya!

5 Akatekyebwa kulu  
Ku lukwasa mu diulu;  
Yisu utani Fumwecu, Aleluya!

6 Ncemi tukwaxingila,  
Bwalo bwecu bwamapwa;  
Yisu akatupandisa, Aleluya!

7 Aleluya! Mupangi;  
Tukwaxingila Ncemi;  
Twapuxinga Mwanebe, Aleluya!

Bamatutôyela mu mbata you  
 Dia Ncemi a mu diulu;  
 Namakwombwa ene kayou yikwa  
 Ungwananga nyinga tô.

- 2 Akapanga diulu yi loboko,  
 Udi yi babala bya;  
 Axixima bungi bwa bantu kô,  
 Atebela micima.
- 3 Kisodisuwisa kwatôyayi,  
 Kiena kunengela pô;  
 Ku lukanyi kwamalekola pyi,  
 Ku mucima kudi bô.
- 4 Ndo kwelesa mbata kabidi,—nyô;  
 Namakwononona tô;  
 Kisonanga kuya mu ncila you,  
 Nakuncuka lungwoso.
- 5 Ncemi! ombwa lubila lwamene,  
 Ncula mabi bungi bwa;  
 Wapungulubukwa tululu pyi,  
 Ngukusuli babala.

## 6

(He will hide me. S.S. 375.)

Kalistu Yisu akatunanga,  
 Ndo bena susu, ndo bantu kunu;  
 Akatunanga, akapalala  
 Tuxepomana yinanci kulu.  
 Akatunanga, akatunanga,  
 Kalistu Yisu akatunanga;  
 Akatunanga, akatunanga,  
 Tumwetabusa, tutanaya kulu.

- 2 Kalistu Yisu akatumona  
 Pa ncila a Satana mubi;  
 Matuku moso twakamakwona,  
 Twakasangila yi bwalo bubi.
- 3 Kalistu Yisu akatufwila,  
 Akatukita pa mucu yikwa;  
 Koku Satana akamucina,  
 Mwembu a bantu bamwetabusa.

## 7

(Special. German Melody.)

Kisoli kutatisa Musabudi,  
 Kisoli kunyañana Mwana a Ncemi;  
 Ngwananga kusakola dina dienci,  
 Ngwananga kumumona, Muntu a Kabali.

- 2 Kisoli kusangila yi bena bubu,  
Kisoli kusungula ncila mubi;  
Ngwananga bena Ncembu, bena Yisu,  
Ngwanangapo kudika pa ncila a diulu.
- 3 Kisoli kupiñana ku Satana,  
Kisoli kuxikama mu mwedima;  
Obo amene Yisu, unengela,  
Kitoici kia mu diulu, nakumuxingila.
- 4 O Yisu, Yisu, Fumu, ungwana,  
Kakuna kunengela kuyilanga;  
Yi lelo yi mankyelo,—diba dioso—,  
Ngwakyeba kukulanda; kinakuxiya nyô.

## 8

(Art thou weary? Br. 802.)

Yisu akadi kwanci kulu,  
Mwana unengela;  
Akakyeba kutubwesa  
Kunyuma.

- 2 Ncembu a kulu akatumona  
Twamapinda pyi;  
Ku munyinya, ku mwedima,  
Mo bubu.

- 3 Akakyeba kutukanda  
Malo a mwedima;  
Akatutumina Mwana  
Ku nkwas.
- 4 Mwana akalwa kudi Ncemb  
Kutupandisa;  
Akatwambidila diemb  
Dia nyinga.
- 5 Akacwala bubu bwecu,  
Muna kwanci nyô;  
Ku nkulusu Yisu ene,  
Kwamapwa
- 6 Akatucwadila koku,  
Mabi a mwedima;  
Maxi anci akancula  
Bungi bwa.
- 7 Akancuka mu lukita,  
Udi Mumanya:  
Akapingaxibwa kulu,  
Ku nkwas.
- 8 Yisu unatufikisa  
Kwebe mu diulu;  
Tunaxingila Tetebe,—  
Tetecu!

(Pass me not. S.S. 63.)

Musabudi, ngutebeli,

Ndi tululu pyi;

Wamamona bena kwami,

Kungudikixi.

Musabudi, ombwa lubila,

Wamamona bena kwami,

Kungudikixi.

2 Namakwenca bwalo bubu,

Namakwona tô,

Kisomona kunengela,

Yisu, nafufwa!

3 Namadika bena kwami,

Mwana a mwedima;

Ku makisa amene mabi,

Namakuxipa.

4 Namakwombwa diyi ene,

Unalekyela

Bantu batanadibela,

Bwalo bwa kwona.

5 Kisotamba dinga dina,

Yisu mutupu;

Owe, udi Musabudi,

Yisu Kalistu!

## 10

(Mainzer. Br. 86.)

Tukwembikisa yi ngulu,  
 Tetecu, Ncemi, mu diulu;  
 Wakatunanga sôsôlwo,  
 Wakatupandisa môyo.

- 2 Mwanebe Yisu akatata,  
 Ku mucu akatutacila;  
 Ku lufu lwanci, Kalistu  
 Akatupandisa môyo.
- 3 Katusocina lufu nyô,  
 Bwalo bwa bubu bwamapwa;  
 Waputwangata, Tetecu,  
 Tunaya kwebe yi Yisu.
- 4 Tukwaxingila, yi nkyekyu  
 Tunakixila Kalistu;  
 Tunamunanga sôsôlwo,  
 Akatupandisa môyo.

## 11

(Stand up, stand up. S.S. 15.)

Kunci kwa bena Ncemi  
 Kudi kunengela;  
 Bamona mpala a Yisu,  
 Banamudingila.

Bungi bwa bantu ene,  
 Amatulwangwasana;  
 Yisu amatunanga,  
 Amatusabula.

- 2 Kunci kwa bena Ncemi,  
 Kabanadila nyô;  
 Mikyenci amancula  
 Masonci bungi bwa.  
 Lufu kalunabwela,  
 Môyo kauna yi kufwa;  
 Bantu kabasotata,  
 Baxekyelela tô.
- 3 Kunci kwa bena Ncemi,  
 Bombombwa Teteabo;  
 Amabananga nyinga,  
 Yi bamwananga tô.  
 Kabanamona koku  
 Ndo bubu ndo Satana;  
 Kunengela kutupu,  
 Matuku bungi bwa.
- 4 Bena Kalistu nkyekyu  
 Batôya sôsôlwo,  
 Ene "Tunaya kwecu,  
 "Tunaya mangwoso.

“Twakyeba mo kukisa  
 “Bwalo bwa Yisu kunu;  
 “Kunyuma tunafika  
 “Kwa Ncemi mu diulu.”

---

## 12

(**Holy, holy, holy. Br. 897.**)

Tete unengela, tunamuxingila,  
 Bwinu, ngulu, nyinga, idi yinanci tô;  
 Akatupa Yisu, akatusabula,  
 Tunamwembikisa, Tetecu mu diulu.

- 2 Mwana unengela, tunamwembikisa,  
 Akatumonesa Ncemi, akatunanga tô  
 Akaxinda lufu, udi Fumu a môyo;  
 Akacula bubi, akaya mu diulu.
- 3 Yi Mwoxixi a Ncemi udi kunengela,  
 Akatupaula kunanga Kalistu;  
 Nkyekyu udi yinecu, kanatukadeya,  
 Unatulwangwala kwa Ncemi mu diulu.

## 13

(Who'll be the next? G.B. 235.)

Ñani akyeba kulandudila  
 Yisu Fumwecu mu diulu?  
 Ñani akyeba kumwetabusa,  
 Kumuxingila sôsólwo?  
 Ñani unalwa? Ñani unalwa?  
 Ñani unalwa kudyi nkyekyu?  
 Ñani unamulandudila ba?  
 Tôya sôsólwo.

- 2 Ñani apwombwa lubila lwa Yisu,  
 Lwamakwelayi matuku aa?  
 Ñani apudimona mikyenci  
 Yi mabi anci bungi bwa?  
 Ñani unalwa?
- 3 Ñani apuditôyela munda?  
 Ene "Ngwasungula Fumu Yisu;  
 "Kisokwetaba Satana kabidi,  
 "Ngwalandudila Kalistu."  
 Ñani unalwa?
- 4 Yisu unakupandisa môyo;  
 Yisu unakulekyela nkyekyu;  
 Unakusamunina pa ncila  
 A kuya kwanci mu diulu  
 Ñani unalwa?

Yisu Fumu akabatuka  
 Mu lukita, mu lufu ;  
 Akatumanina bwalo.  
 Akatuyila mu diulu ;  
 Yisu utani Fumu a kulu,  
 Fumu a bantu, Fumwecu.

- 2 Ñani nkyekyu unatwombwesa  
 Bwalo bwecu bwa bubu ?  
 Maxi a Yisu akakusula  
 Mbindu ya bubu pa mucu.  
 Yisu akafwa, akacula  
 Mabu ecu bungu bwa.
- 3 Ncembu amatuteka polo,  
 Bwalo bwa Mwananci you ;  
 Amatubikila bana,  
 Tudu lolo yi mōyo.  
 Aleluya ! Twapuxinga,  
 Ncembu udi kunengela.
- 4 Yisu Fumu, tukwaxinga  
 Bwalo bwakatufwila ;  
 Wamatupidila yi nyinga,  
 Nkyekyu tukwanangila.  
 Mo kunyuma, kwa Tetebe,  
 Unakumbudibwa kô.

(Come to Jesus. G.B. 205.)

Lwaka muna bubu, lwaka  
Ku Kalistu nkyekyu;  
Kukai wapumunyañana?  
Ombwa diyi nkyekyu.

2 Yisu unakulebesa  
Mu mucima ebe;  
Kukai wapumukungisa?  
Ombwa diyi nkyekyu.

3 Yisu unakukusula  
Mabi ebe moso;  
Kukai kusomwetabusa?  
Ombwa diyi nkyekyu.

4 Yisu unakumonesa  
Ncila a kunengela;  
Kukai kusonanga kuya  
Yi Fumwecu koku?

5 Kusungudi bubu bwebe,  
Kunyañani Yisu;  
Bantu ndo banalwa nkyekyu  
Banamona polo.

## 16

(Special.)

- Wamakwombwa lubila lwa Kalistu kulu,  
Lwaputôyayi lelo, ku lukwasa lwa diulu ;  
Aputôya sôsôlwo, ukwananga tô,  
Unancula mabi ebe, unakulekyela.
- 2 Ncembi, Tete mikyenci aputuma diyi,  
Ene, lwaka mo nkyekyu, piñana kundi ;  
Unancula mapele a bubu bwebe,  
Unakulwangwasana kudi mwengo anci.
- 3 Lwaka! Kwedi lukanyi, ene, "Ncwadili kai?"  
Kudi Mwananci Yisu, kunakwangatayi ;  
Akatwambila bwalo pa mucu yipa,  
Lwaka nkyekyu kanana, kutena bima.
- 4 Mo matuku mabende, tunamona Yisu  
Unapweka mu diulu, kututeka kulu ;  
Ndo wakyeba sôsôlwo kumona Fumu,  
Ombwa diembi, etabusa, xiya bubu nkyekyu.

## 17

(Jesus loves me. G.B. 91.)

Fumu Yisu Kalistu  
Udi kulu mu diulu ;  
Mo kinamucina pô,  
Ene, Ungwananga tô.  
Ya, unghananga,  
Fumwami mu diulu,

- 2 Ndo mwamuki sôsôlwo,  
Kasongunyañana pô;  
Ndo bubombu butupu,  
Yisu udi yi ngulu bô.  
Ya, unghananga,  
Fumwami mu diulu.
- 3 Ndo ngwakala yi bubu,  
Yisu akafwa ku mucu;  
Akabwela mu diulu,  
Mbelo utani ôlôlwo.  
Ya, unghananga,  
Fumwami mu diulu.
- 4 Yisu ene, Kucini,  
Lwaka kundi, mwamuki;  
Cwala mabi ebe tô,  
Nakuncula bungu bwa.  
Ya, unghananga,  
Fumwami mu diulu.
- 5 Ungwananga sôsôlwo  
Ungwakyeba mu diulu;  
Yisu kanapwangwa pô  
Pa kungufikisa yikwa.  
Ya, unghananga,  
Fumwami mu diulu.

## 18

(Oh what has Jesus done for me? G.B. 94.)

Wapwombwa diyi dia Kalistu  
 Ukwabikila,—lwaka!  
 Kunyatinyati ncila you  
 A kuya mu mwedima.  
 Satana mubi,—Fumwebe—  
 Kasoli unapanda;  
 Apukudimba ludimbu,  
 Akyeba kukuxipa.

- 2 Satana kasonanga nyô  
 Ndo Ncemi ndo Mwananci;  
 Akalwangwala yi bubi,  
 Kudimba bantu banci;  
 Apukwebesa ncila you,  
 Yi wapulandudila;  
 Apwela salu ya mabi nya,  
 Yi wapumwetabusa.
- 3 Wapwona malo sôsôlwo,  
 Mucima amapinda;  
 Wapunemeka Satana,  
 Yi wapukisa Ncemi.  
 Mo Yisu apukukungila,  
 Kuncula mabi ebe;  
 Unakwebesa ncila you  
 A kuya kwa Tetenci.

(Tallis' Canon. Br. 99.)

Fumu a môyo, Kalistu,  
 Akatuyila ku lufu;  
 Fumu a kulu akapweka,  
 Fumu a ngulu akatata.

- 2 Akadi paxi yi nkwami,  
 Bakamwangata babende;  
 Kanninga bena kwabo kô  
 Bakamuxipa mangwoso.
- 3 Akakixila Tetenci,  
 Akasakola meyi anci;  
 Mo Ncembî akamuxiya nya,  
 Pakadi Yisu umwabila.
- 4 Udi babala, bubi nyô,  
 Mo mabi akamutatisa;  
 Dikonga diakamwasa ba,  
 Mo maxi amatukusula!
- 5 Tunanemeka Fumwecu,  
 Tunamumona mu diulu;  
 Mo lelo tumwaxingila,  
 Mikyenci amatupandisa.

(When he cometh. G.B. 148.)

Panafika, panafika  
 Fumwecu a kulu,  
 Unateka, unateka  
 Bana banci mu diulu.  
     Banakala mu diulu,  
     Banadika mitoto,  
     Banakala babala,  
     Banamunemeka.

- 2 Unasanga, unasanga  
 Bana boso ba Ncemi;  
 Bamwananga, bamwananga,  
 Balubukwa mwengo anci.
- 3 Unateka, unateka  
 Ngombo yenci mu ncibo;  
 Unaxeka, unaxeka  
 Panamonayi ngombo.
- 4 Bana boso, bana boso  
 Bamwananga sôsôlwo,  
 Badi ngombo, badi ngombo  
 Ya Kalistu, Fumwecu.

**21****(Special.)**

Piñana, piñana, kukai ukyakyeba  
 Kusungula bubi, kudika pa ncila a lufu?  
 Kwombombwa lubila lutabikidibwa  
 Yi ngulu, yi mwengo, yi nyinga ya Kalistu Yisu?

2

Piñana, piñana, lebesa mucima,  
 Kukai kusomona ku sula kwa ncila a lumbu?  
 Kunyuma kwa lufu kunalwa mwedima,  
 Kusama, bidilu, lukanu, munda mwa dilungu.

3

Piñana, piñana, kulundixi bubi,  
 Lekyela kuteka bituku ku mpala a Ncemi;  
 Dibela mangwoso, tebela malendi,  
 Mo Yisu ubili kukusamunina ku ngiemi.

4

Piñana, piñana, ukikwabikila,  
 Kwangaci kitele, akyeba kukulwangwasana;  
 Satana sôsólwo unadiladila,  
 Mo Ncemi a kulu unaxekeyelela,—piñana.

**22****(Now the day is over.)**

Yisu, Mupandixi,  
 Mona bantu kunu;  
 Bamakwombwa diemi diebe;  
 Mona mu diulu.

- 2 Ndo bakyebakyeba  
Kwetabusa lolo,  
Bamonesi nyinga yebe,  
Yinengela tô.
- 3 Banga banancuka,  
Macu mancibika;  
Mabi mangi mu micima,  
Mabi a mwedima.
- 4 Twapubatôyela,  
Ene, Yisu Fumu  
Kasonanga banadika  
Ku mwedima fu.
- 5 Twapubadimusa,  
Ene, banapona  
Mu dilungu dia mudilu,—  
Bubi, bubu, bya.
- 6 Bamakwombwa noku;  
Mo twacinacina,  
Ene, banakunyañana,  
Banakwacibwa.

- 7 Yisu, Fumu, mona,  
 Balebesi munda;  
 Bakixisi; bakusuli  
 Mabi bungi bwa.
- 

## 23

(Oh how he loves. S.S. 125.)

- Yisu utani Mupandixi,  
 Fumwecu you;  
 Tunamwembikisa nkyekyu,  
 Fumwecu you.  
 Ndo kutamba nkumbu yenci,  
 Udi Mwana umoumwe a Ncemi,  
 Ncemi a kulu udi Tetenci,  
 Fumwecu you.
- 2 Udi lolo Mwana a Muntu,  
 Fumwecu you;  
 Akaxiya ncibo a kulu,  
 Fumwecu you.  
 Kwakamonekayi Mwana,  
 Bantu bakaxekyelela,  
 Bena diulu bakamona  
 Fumwecu you.

- 3 Ndo kutôya mambi a Yisu,  
     Fumwecu you;  
 Ndo makisa, ndo mucima,  
     Fumwecu you;  
 Mambi a nkwami, meyi a polo,  
 Yi makisa a mwengo lolo,  
 Unengela to, sôsôlwo,  
     Fumwecu you.
- 4 Ndo kumwela nkanyi nkyekyu,  
     Fumwecu you;  
 Lufu lwanci lwakafwayi,  
     Fumwecu you;  
 Akakwenca bwalo bwecu,  
 Akancula mabi ecu,  
 Akatupandisa koku,  
     Fumwecu you.
- 5 Ndo kutôya kwakayayi,  
     Fumwecu you,  
 Akancuka mu lukita,  
     Fumwecu you;  
 Akaxiya bantu kunu,  
 Akanemekyebwa kulu;  
 Mu lukwasa, mu diulu,  
     Fumwecu you.

## 24 (I will sing for Jesus. Hymns C. & F., 312.)

Ncembí a kulu ananga  
 Bantu ba mbata mioso,  
 Kabena yi nkwami ya munda,  
 Bakala yi bubi bwoso.  
     Akabananga bienci,  
     Kakuna ku mucwe a nkwami;  
     Akabananga Mikiyenci,  
     Ku bwalo bwa Yisu Kalistu.

- 2 Akadingiladingila  
 Bantu yi bubi bwabo;  
 Alubukwa baxefwa sôsólwo,  
 Ku mucwe a mabi abo.
- 3 Akadi yi Mwana umoumwe,  
 Yi akamutuma paxi  
 Kukita bantu bapwona;—  
 Kuncula mabi yi maxi.
- 4 Mwananci akamukixila,  
 Akafwa ku mucu sôsólwo;  
 Mo lufu lwakafwa yinanci,—  
 Akaya yi môyo kulu.

- 5 Mo nako, ndo bantu badila  
Kwakala yi môyo a diulu,  
Kabadinyañana mikyeabo,  
Kabetabusa Kalistu.
- 

## 25

(**Jehovah Tsidkenu, M.C. 207.**)

- Bakala bafofo batena yi Yisu,  
Kabena yi obo, yi obo a Ncemi;  
Kabasolubukwa mwadikabo pa ncila  
A kuya ku mbata a mwedima fu.
- 2 Ku bwalo bwa diba, butuku bunakya,  
Mwedima unafwa, yi bantu banaya;  
Mo hobo kabena yi lubangu lwa môyo,  
Bendenda yi bubi mu mwedima fu.
- 3 Kabasokwetaba lubila lwa Yisu,  
Kabasomunanga isanga akafwa;  
Batunga Satana, yi malo a ngixi,  
Bakala yi mabi, maxitu yina.
- 4 Mo Yisu ubili kupandisa boni,  
Ubili kuncula bufofo bwa munda;  
Unabamonesa yi meso a nkwami,  
Unabakwacisa kumukixila.

## 26 (Take the wings of the morning. S.S. 346.)

Mupandixi Kalistu akamaya yikwa,  
 Kuxikama yi Tetenci mu diulu yidia;  
 Akamana makisa a kuncula mabi,  
 Akatudipudila kibwelelu kienci.

Fumu you, Fumu you,  
 Unatupiñanina;  
 Fumu you, Fumu you,  
 Unatubongesa.

- 2 Pakancukayi kunu akaxiya diyi,  
 Ene, "Nakubepiñana kudi bena Ncembí."  
 Unasangisa bantu bamakwetabusa,  
 Unancula bungi bwabo kubabwesa yimwa.
- 3 Banakwombwa mwongoma, banasangila tô,  
 Banga ndo bakidi paxi banabandixibwa;  
 Bena kwabo mu nkita banamoneka kô,  
 Banakwombuluka loko, banaximumuxibwa.
- 4 Mupandixi Kalistu unababikila  
 Kupomana yi Mikyenci pa mabaxi yipa;  
 Banaxiya bintu bioso bia bantu kunu,  
 Banafwana Mwana a Ncembí, banafwana Yisu.

- 5 Banakala yi môyo a kubwela yikwa,  
 Banamona mpala anci, banamunemeka;  
 Banadika yinanci kuya mona Ncembi,  
 Banaxekyelela kô kô mu bufumu bwanci.
- 

## 27

(I love to hear the story. S.S. 517.)

Twananga kwombwa diembi  
 Dia Yisu Fumwecu;  
 Mwakakwombwelayi mwengo  
 Kudi bena loboko.  
 Twakala yi bubombu,  
 Yi bubu bwecu tô,  
 Mo nkyekyu bitwapwombwa  
 Tuxeakala babala.

- 2 Twaxekyelela munda  
 Pa kwombwa dia Fumu,  
 Akapweka kutwebesa  
 Muxekwenda bangongo.  
 Yi coco ndo twatomba  
 Bipokye bienci ba,  
 Mo nako tunafika  
 Kutunamufwana kô.

- 3 Pa tutasomumona,  
 'Twanona Kalistu;  
 Yi ndo banga bamwakyeca,  
 Coco tumwatumbisa.  
 Twalandudila Yisu  
 Akatupandisa ;  
 Yi Fumu kanakodya  
 Kutwalakana bya.

## 28

(On the Resurrection Morning. S.S. 600.)

(BENA LOMA, 6.)

- Kudi lufu lwa Kalistu  
 Bantu banci batulowa ;  
 Kalikali bakakwona,  
 Nkyekyu bancila.
- 2 Lufu lwanci lwakamana  
 Môyo abo a bubi ;  
 Ku micima bobo ene  
 Coco tulexi.
- 3 Kabasoli kwenca malo  
 Akafwila Kalistu ;  
 Bamatunga kumufwana,  
 Fumu a mu diulu.

- 4 Bwalo bwakabixibwayi,  
Bamapanda Satana;  
Bamanona Mwana a Ncemi,  
Yisu Mumanya.
- 5 Kabasoli nkumbu kunu,  
Kwakafwayi ku mucu;  
Mo kumwelekyesa nkyekyu  
Ku makisa anci.
- 6 Bena Ncemi, bena nkwami,  
Bantu yi babala bya,  
Tunamusadila yinenu,  
Fumwecu yikwa.

## 29

(Wanderer, come, oh! come to Jesus.  
New Melodies, 32.)

Ku mieciya ya kalikali  
Twakakwona yi bambai;  
Twakacina kulekule  
Kudi Tete; mo kukai?  
Bitwakadi ku mwedima  
Katwamulubukwa pô;  
Twakasuba ku micima,  
Twakalanda Satana.

- 2 Pa kumona bintu bienci,—  
 Bidya, ncibo, bilamba,—  
 Twakabunca bintu ene,  
 Twapwangata kanana.  
 Pakamalwa mbula, ngondo,  
 Lupepele, munyinya,  
 Twakakwona bwalo ene,  
 Manga aputukixila.
- 3 Pakafika diembi kunu,  
 Katwelembetela pô;  
 Bitwakadi katusoli  
 Kulekyela mabi nya.  
 Mo Mwoxixi a Ncemi a mwengo  
 Akatutulola bya;  
 Akatulubukisayi  
 Kudi mambi a babala.
- 4 Twamakweya bwalo bwanci  
 Kudi Yisu, sôsôlwo;  
 Twamaxekyelela nkyekyu  
 Kumuxinga Tetecu.  
 Bena kwecu bakyatunga  
 Kumukisa kanana;  
 Coco katusoli noku,  
 Ncemi amatupandisa.

## 30

(The solid Rock. S.S. 201.)

Kudi Kalistu Fumwecu,  
 Tubili Ncembí sôsôlwo;  
 Akalwa kutumonesa  
 Mwakatunangayi yikwa;  
 Akatulubukisa nya;  
 Akatwebesa mucima  
 A Ncembí Tete, a nyinga.

2 Kutena Yisu Fumwecu,  
 Tutani yi mwedima fu;  
 Isanga tuxepalala,  
 Katuxekweya Ncembí pô.

3 Utena Mwana, ñani you  
 Unatweyesa Tetecu?  
 Yisu mutupu udiko,  
 Kumwelekyesa sôsôlwo.

4 Twombombwa mambi a babala,  
 Twalembetela makisa;  
 Twamona mwakakisayi  
 Kulwangwasana bakombi.

5 Mo, kudi lufu Iwa Yisu,  
 Twamona Ncemi Tetecu,  
 Kutupandisa coco kô,  
 Kapandisa Mwananci pô.

---

31

(M.C. 206.)

Tutumbisi Ncemi akapa Mwananci  
 Kuyafwa ku mucu mwekyeya yikwa ;  
 Apututumina malongi yinanci,  
 A mwengo yi nyinga, maxitu yina.

Tutani yi bidya biapulwa kutudi,  
 Yi twapumuxinga Mutumi kayou ;  
 Twakyeba kwakala yi ngulu ya kwenca  
 Mudimo a Yisu Kalistu kulu.

---

32

(My God I have found. S.S. 72.)

Tetecu Ncemi, twamakwetabusa,  
 Twamadibela munda, twamapandixibwa.  
 Aleluya, twapuxinga,  
 Twamapandixibwa ;  
 Twamakweya nyinga yebe  
 Twamakusudibwa.

- 2 Tetecu Ncembu, twamakwombwa diyu  
Dia maxi a Yisu, dia lufu lwanci.
- 3 Tetecu Ncembu, twamakweya loko,  
Mwakancimayi mabi pakafwayi koku.
- 4 Tetecu Ncembu, twamaxekyelela  
Kulubukwa Mwanebe akakwombuluka.
- 5 Tetecu Ncembu, twamalanda Yisu ;  
Kwakayayi mu diulu kudi kidi kiecu.

## 33

(There shall be showers of blessing. C.C. 2.)

Lelo edeya Kalistu,  
Panda Satana, mwoni ;  
Pwesa mucima a ntamu,  
Mwetabuxili ndo yei.

Yisu unakupandisa,  
Unakukusula bya ;  
Yisu unakubongesa,  
Unakuxekyelesa.

- 2 Lelo edeya Kalistu,  
Kunadipandisa pô;  
Owe ndo mufu, kibombu,  
Owe yi bufofo bu.
- 3 Lelo edeya Kalistu,  
Unancimisa mabi;  
Unakukokyesa pepe,  
Pepe yi Ncembu, Tete.
- 4 Lelo edeya Kalistu,  
Musakoleli Fumu;  
Yaka ku mpala a Ncembu,  
Musakoleli koku.
- 5 Lelo edeya Kalistu,  
Unakulekyela nya;  
Unakwendesa yi nkwami,  
Unakulwangwasana.
-

## 34

(Adeste Fideles. Br. 257.)

Fumu tukwaxinga,  
 Wakadi mu lukita,  
 Utani yi môyo mu lukwasa kulu.  
 Fumu tukwaxinga,  
 Utani Mupikudi;  
 Wakatulubukisa  
 Mpiku ya maxi ebe,  
 Mpiku yakancudibwa  
 Ku Kabali.

- 2 Ncemi katubiyi  
 Ndo kwelekyesa lwedi  
 Lwa nyinga yitwapumona kudi Yisu.  
 Wakapa Mwanebe  
 Kutupingasa kudi;  
 Wakatulubukisa  
 Mucima ebe noku;  
 Tukwembikisa Owe,  
 Tetecu, Amen.

(Vesper. Br. 215.)

LUKA 13, 22—29.

Bakakwapangusa Yisu  
 Ku Yelusaleme yikwa,  
 Ene “Badi mo babende  
 “Banapanda Satana”?  
 Fumu akabatôyela,  
 Ene, “Banakwayila  
 “Badi bangi; banakyeba  
 “Kupanduka kunyuma.”

- 2 “Muna ncibo unabika,  
 “Unasuka mbelo nda;  
 “Unabakadeya kunci,  
 “Kumwabila kanana.  
 “Banadiladila ene,  
 “Bwatetela, Fumwecu;  
 “Kunci tunamona bwalo,  
 “Tusudili mbelo you.”

- 3 “Muna ncibo unatôya  
 “Munda ene, Kumoni;  
 “Kinubiyi kunwapulwa,  
 “Bena bubu, nuncuki.